

## JANTOKIA

### GURASOEI DAGOZKIEN ARAUAK

Bai jantokian daudenean bai eguerdiko tartean guk hezi beharreko ikasleak dira. Jantokian behar diren moduko elikatzeko ohiturak irakatsi behar zaizkie, eta osasuntsu eta ondo elikatu daitezzen lortu behar da. Horretarako elikadura orekatua eta osasuntsua bermatzen dugu.

Ezin dugu ahaztu bizikidetzarako eremua dela, beraz, behar diren moduko harremanak sustatuko dira. Era berean, ikasleen arteko harreman egokiak sustatuko dira, diskriminaziorik eta gehiegikeriarik gabe.

Jantokirako ezarri diren helburuak hauexek dira:

#### **Jantokirako Helburu Orokorrak.**

- A.- Langileekiko eta taldeekiko harremanak ahalik eta begirune handienaz sustatu behar dira.
- B.- Euskararen erabilera sustatzea.
- C.- Modu egokian ondo jateko ohiturari buruz hausnartzea.
- D.- Bizikidetzarako araei buruz hausnartzea.

## E.- Baterako hezkuntza.

Helburu hauek guztiak lortzeko ezinbestekoa da familien laguntza. Jantokian ez ezik, eskolan ere landu behar diren elikadurarekin erlazionatutako ohiturak indartuko dira (inoren laguntzarik gabe jatea, tresneria ondo erabiltzea, denetik jatea...)

- 1.- Egoerak baimentzen duenean, ikaslea ohiko jankidea ez denean, eta jantokia egunen batean erabili nahi badu jantokiaren arduraduna bi egun lehenago, gutxienez, abisatu beharko du. (Salbuespenak kontuan hartuko dira)  
Abisua, ahal bada, 9.00ak eta 10.30ak bitartean emango zaio arduradunari .
- 2.- Kudeaketa zuzeneko jantokien arautegi orokorreko 5.1. kapituluaren agertzen denez: OOGk erabakiko balu, kuotak itzuli ahal izateko prozedura ezar liteke, baina beti baldintza hauek betetzen badira:
  - 2.1.- Jantokira ez etortea aste bikoa edo gehiagokoa izatea.
  - 2.2.- Ez etortearen abisua 48 ordu baino lehenago ematea.
  - 2.3.- Ez da itzultzerik egongo jankideak Hezkuntza Saitetik bekaren bat jasotzen badu.
- 3.- Gurasoek, nahi izanez gero, jantokiari buruzko erabakietan parte hartu ahal izango dute, Jantokiko Batzordearen bitartez edo gelako bokalen bitartez.
- 4.- Arautegia urratzen duten ikasleen gurasoei semeak edo alabak egin duena jakinaraziko zaie, eta onartu ondoren, semeari edo alabari ezarritako zigorra betearaziko diote.
- 5.- Jantokia erabiltzen duten ikasle guztien gurasoek funtzionamendu arauak ezagutu eta onartu beharko dituzte. Arauok ikasturte hasieran banatuko dira.
- 6.- Familiek jantokiari buruzko informazioa eskura edukitzeko eskubidea dute.
- 7.- Jantokiaren erabilera zuzena bermatzeko, gurasoek ere ezarritako ohiturak eta arauak irakatsiko dizkie seme-alabei.
- 8.- Halere, garrantzitsua da eskatutako eta higienerako hain beharrezkoa den materiala erraztea.

- 9.- Umeren batek alergia edukiko balu, edo janariren bat toleratuko ez balu, kudeaketa zuzeneko jantokien araudiak agintzen duen modura, arduradunari jakinaraziko dio osasun-ziurtagiri baten bitartez :  
"Elikadura arazoak direla eta, onartuko dira menu eta dieta bereziak, osasun-ziurtagiriak horrela aholkatzen badu. Ziurtagiri horretan jankideak onartzen ez dituen elikagaien zerrenda agertuko da. Era berean, konturatu barik kalte egiten dion elikagai horretarikoren bat hartuko balu, jarraitu beharreko pausuak agertu behar dira".
- 10.- Jantoki orduetan ikasleak botikaren bat hartu beharko balu, familiak medikuaren txostena ekarri beharko du, baimena sinatu eta tutoreari eman. Hau guztia egiten ez bada, ez zaio ikasleari ezer emango
- 11.- Ikasleari menu idorgarria eman ahal izateko, goizeko 09:30ak baino lehenago bisatu behar da.

### **JANTOKIKO ARAU OROKORRA**

- 1.- Eskola jantokia ikasle guztientzat eskainitako zerbitzua da, eta horrela ulertu behar dute ikasleek, irakasleek, gurasoek eta zaintzaileek.
- 2.- Eskola jantokia ona izan dadila lortzeko ezinbestekoa da eskolako lan-talde guztien parte-hartzea, interesa erakustea eta gauzak ondo egin nahi izatea.
- 3.- Talde bakoitzari betebeharrak eta eskubide jakin batzuk ezarriko zaizkio. Hauek bete ezean, ez litzateke posible izango eskolak eskaini behar duen funtzionamendu ona lortzea.
- 4.- Jantoki orduetan eta eskola orduetan bete beharreko arauak bat dira; beraz, lekua eta materiala zaindu beharko da, eta era berean, errespetua, laguntza eta disziplina, besteak beste, eduki behar dira.
- 5.- Eskolako edozein ikaslek erabili ahal izango du jantokia. Erabili nahi duenak izena eman beharko du ekainean zehar (ahal den kasuetan).
- 6.- Erabiltzekotan, zuzendariari edo jantokiko arduradunari jakinaraziko zaio.
- 7.- Jantoki Batzordeak eta jantokiko arduradunak kontrolatuko dute jantokia.

- 8.- Batzorde hau aldian-aldian aukeratuko da eta eskola-kontseiluak informatu beharko du.
- 9.- Jantokiko txanden antolamendua Batzordeak egingo du eta, halaber, honek adierazitako pertsonak.
- 10.- Jantokiko eremua ikasleek egin behar duten beste edozertarako ere erabili ahal izango da, betiere une desegokietan ez bada.
- 11.- Ondo utzi beharko dute lekua, zaintzaileen lana ondo egin ahal izateko.
- 12.- Ikasturte hasieran egiten den lehenengo bileran jakinaraziko zaizkie gurasoei jantokiaren arauak. Dena den, zalantzarik egonez gero, beti egon ahal izango dira jantokiko arduradunarekin.
- 13.- Era berean Irakasleen Klaustroa batzartuko da funtzionamendurako arauak eta dagozkien lanak gogoratu eta berrikusteko.
- 14.- Ikasle bakoitzari hiru hilabetero emango zaio menuaren kopia bat.
- 15.- Kobratzeko arauak kurtso hasieran berregingo dira.
  - Jantokia erabiliko duten guztiek erreziboa helbideratua izan beharko dute.
  - Erreziboen itzultzeak eragiten dituen gastuak ikasleak berak ordainduko ditu.
  - Etorri ezean, kuota itzuliko da:
    - 15.1.- Eskolako OOGk kuota ez itzultzea erabaki dezake.
    - 15.2.- OOGk kuota itzultzea erabakiko balu, zein modutara egingo litzatekeen argituko du. Hori bai, hurrengo baldintza hauek bete beharko dira:
      - Ez etorria bi aste jarraian edo gehiagokoa izan behar da.
      - Ez etorriaren abisua 48 ordu lehenago egin beharko da.
      - Ez da itzultzerik egongo jankideak Hezkuntza Saitetik bekaren bat jasotzen badu.
    - 15.3.- Ohiz kanpo, greba egongo balitz eta jantokiaz arduratzen den catering enpresak fakturarik egingo ez balu, zerbitzua egon ez

den egun horietako jantokiko kuotak itzuliko dira.

15.4.- Kuoten itzultzea hurrengo hilabeteetan ordaindu beharreko kuotetatik deskontaturik egin ahal izango da.

- 16.- Ohiko jankideak kurtso hasieratik jantokia erabiltzen duten ikasleak dira. Horrela ez bada, noizbehinkako jankidea izango da. Beste alde batetik, bi urteko ikasleak beranduago hasten badira, malgutasunez tratatuko dira (bi urteko ikasleak adaptazio sasoiaren egongo dira azaroaren 30era arte jantokira hasi ahal izateko. Berdin gertatuko da egoera jakin batzuekin, epez kanpoko matrikulazio berrietan, beste eskola batzuetatik etorritakoekin...) hauek Eusko Jaurlaritzak arautzen duen modura kudeatuko dira.
- 17.- Kurtsoan zehar jantokira etortzeari utzi ahal izango zaio, baina erabaki horren ondorioak onartu beharko dira.
- 18.- Irakasle eskudunak eta zaintzaileak baino ez dira izango bazkalorduetan jantokian eta sukaldean egon daitezkeenak.

